

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**R J E Š E N J E**

**po Prijavi namjere koncentracije privrednog subjekta MOL Hungarian Oil and Gas Plc.,  
Budimpešta, Mađarska i privrednog subjekta INA industrija nafte d.d. Zagreb, Hrvatska**

**Sarajevo, maj 2009. godine**



Broj:01-01-26-005-09-II/09  
Sarajevo, 12.05.2009. godine

Na osnovu člana 25. stav (1) tačka e), člana 42. stav (1) tačka d), u vezi sa čl. 12., 14., 16. i 18. Zakona o konkurenciji («Službeni glasnik BiH», br. 48/05 i 76/07), a rješavajući po Prijavi namjere koncentracije privrednog subjekta MOL Hungarian Oil and Gas Plc., Oktober huszonharmadika u. 18, 1117 Budimpešta, Republika Mađarska zastupanog od Advokatske kancelarije Spaho, Muhameda Kantardžića 3, 71000 Sarajevo, i privrednog subjekta INA industrija nafte d.d. Zagreb, Avenija Većeslava Holjevca 10, 1000 Zagreb, Republika Hrvatska, zaprimljenoj pod brojem: 01-01-26-005-II/09 dana 06.02.2009. godine, Konkurencijsko vijeće, na 88. (osamdesetosmoj) sjednici održanoj dana 12.05.2009. godine, je donijelo sljedeće

### **R J E Š E N J E**

1. Ocjenjuje se dopuštenom koncentracija na tržištu veleprodaje i maloprodaje nafte i naftnih derivata u Bosni i Hercegovini, koja će nastati preuzimanjem kontrole putem sticanja većine prava glasa privrednog subjekta MOL Hungarian Oil and Gas Plc., Oktober huszonharmadika u. 18, 1117 Budimpešta, Republika Mađarska, u privrednom subjektu INA industrija nafte d.d. Zagreb, Avenija Većeslava Holjevca 10, 1000 Zagreb, Republika Hrvatska.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 06.02.2009. godine, zaprimilo Prijavu namjere koncentracije broj: 01-01-26-005-II/09 (u daljem tekstu: Prijava) privrednog subjekta MOL Hungarian Oil and Gas Plc., Oktober huszonharmadika u. 18, 1117 Budimpešta, Republika Mađarska (u daljem tekstu: MOL ili Podnosilac prijave), podnesenu po punomoćeniku Advokatskoj kancelariji Spaho, Muhameda Kantardžića 3, 71000 Sarajevo, Bosna i Hercegovina, kojom privredni subjekt MOL namjerava preuzeti kontrolu sticanjem većine prava glasa u privrednom subjektu INA industrija nafte d.d. Zagreb, Avenija Većeslava Holjevca 10, 1000 Zagreb, Republika Hrvatska (u daljem tekstu: INA).

Uvidom u podnesenu Prijavu utvrđeno je da ista nije uredna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 95/06), te je Konkurencijsko vijeće, u skladu sa članom 31. istog Zakona, zatražilo dopunu dana

04.03.2009.godine akt broj: 01-01-26-005-2-II/09 i dana 25.03.2009.godine akt broj: 01-01-26-005-4-II/09.

Podnosilac prijave, u skladu sa zahtjevima Konkurencijskog vijeća, dopunio je Prijavu potrebnom dokumentacijom dana 13.02.2009. godine podnesak broj: 01-01-26-005-1-II/09, dana 12.03.2009. godine podnesak broj: 01-01-26-005-3-II/09 i dana 03.04.2009. godine podnesak broj: 01-01-26-005-5-II/09.

Konkurencijsko vijeće, nakon kompletiranja Prijave je dana 22.04.2009. godine Podnosiocu prijave izdalo Potvrdu o prijemu uredne i kompletne Prijave broj 01-01-26-005-8-II/09, u smislu člana 30. stav (3) Zakona.

U skladu sa članom 30. stav (2) Zakona Podnosilac prijave je naveo da namjerava podnijeti zahtjev za ocjenu koncentracije ovlaštenom tijelu za ocjenu koncentracije u Republici Hrvatskoj, Republici Srbiji i tijelu za konkurenciju Europske unije.

Konkurencijsko vijeće je utvrdilo da je Prijava podnesena u Zakonom propisanom roku, u smislu člana 16. stav (1) Zakona.

## **1. Učesnici predmetne koncentracije**

Učesnici koncentracije su privredni subjekti MOL Hungarian Oil and Gas Plc., Oktober huszonharmadika u. 18, 1117 Budimpešta, Republika Mađarska i INA industrija nafte d.d. Zagreb, Avenija Većeslava Holjevca 10, 1000 Zagreb, Republika Hrvatska.

### **1.1. Privredni subjekat MOL**

Privredni subjekt MOL je upisan u Registru privrednih društava u Budimpešti pod registarskim brojem Cg.01-10-041683 dana 10.06.1992. godine kao dioničko društvo.

Osnovne djelatnosti Privredni subjekt MOL su istraživanje i proizvodnju sirove nafte, prirodnog gasa i proizvoda od gasa, preradu, transport, skladištenje i distribuciju sirove nafte, proizvoda od nafte (maloprodaja i veleprodaja), transmisiju prirodnog gasa, proizvodnju i prodaju olefina i poliolefina.

Privredni subjekt MOL, kao član INA/MOL konzorcija sa vlasničkim udjelom od 50,0% je dioničar privrednog subjekta Energopetrol d.d. Sarajevo, Maršala Tita 36, 71000 Sarajevo (u daljem tekstu: Energopetrol).

Članovi uprave/nadzornog odbora privrednog subjekta MOL nisu članovi uprave/nadzornog odbora niti jednog privrednog subjekta na relevantnom tržištu Bosne i Hercegovine.

### **1.2. Privredni subjekt INA**

Privredni subjekt INA je osnovan dana 01.01.1964. godine i registrovan u Trgovačkom sudu u Zagrebu, pod matičnim brojem 080000604. Privredni subjekt INA je nastao spajanjem privrednog subjekta Naftaplina (firme za istraživanje i proizvodnju nafte i plina) i rafinerije u Rijeci, Sisku i Zagreb, Trgovine (preduzeće za domaću trgovinu), petrohemijske tvornice OKI i DINU i tvornice umjetnih gnojiva u Kutini.

Osnovne djelatnosti privrednog subjekta INA su istraživanje i proizvodnja nafte i plina u Hrvatskoj i inozemstvu, uvoz prirodnog plina i prodaja uvoznog i domaćeg prirodnog plina industrijskim potrošačima i distributivnim poduzećima, prerada nafte i proizvodnja derivata, maloprodaja derivata i drugih roba putem maloprodajne mreže, trgovina sirovom naftom i naftnim derivatima, pružanje usluga bušenja, remonta i drugih radova vezanih za istraživanje i proizvodnju nafte i plina iz kopnenog dijela i podmorja.

### 1.2.1. Povezana društva privrednog subjekta INA u Bosni i Hercegovini

Privredni subjekt INA u Bosni i Hercegovini je 100,0% vlasnik u sljedećim privrednim subjektima:

Tabela 1.

| Naziv privrednog subjekta         | Vlasništvo | Vlasnički udio (%) |
|-----------------------------------|------------|--------------------|
| INA BH d.d. Sarajevo              | Direktno   | 100,00             |
| Interina d.o.o. Mostar            | Direktno   | 100,00             |
| Holdina d.o.o. Sarajevo           | Direktno   | 100,00             |
| CROSCO international d.o.o. Tuzla | Indirektno | 100,00             |

Izvor: Prijava namjere koncentracije

Privredni subjekt INA BH d.d. Sarajevo, Azize Šaćirbegović 4b, 71000 Sarajevo, je registrovan dana 27.07.1998. godine pod brojem 1-7480 u Kantonalnom sudu u Sarajevu.

Privredni subjekt INTERINA d.o.o Mostar, registrovan je pod matičnim brojem 1-4175, kao subjekt upisa rješenjem Višeg suda u Mostaru broj U/I 661/93 od 13.04.1993. godine, a sada se vodi u registru Općinskog suda u Sarajevu pod matičnim brojem 1-26011 sa sjedištem u Sarajevu, Azize Šaćirbegović 4b i djeluje na tržištu Bosne i Hercegovine u segmentu prodaje motornih goriva i maziva.

Privredni subjekt HOLDINA d.o.o. Sarajevo, Azize Šaćirbegović 4b, 71000 Sarajevo registrovan je pod brojem 1-22319 dana 22.08.2007. godine u Kantonalnom sudu u Sarajevu i djeluje na tržištu Bosne i Hercegovine u sektoru prodaje motornih goriva i maziva.

Privredni subjekt CROSCO International d.o.o. Tuzla, Hasana Brkića 72, 75000 Tuzla, registrovan je u Kantonalnom sudu u Tuzli pod brojem 1-1421 dana 04.10.2007. godine.

Privredni subjekt INA u Bosni i Hercegovini ima preko 10,0% vlasničkog udjela u sljedećim privrednim subjektima:

Tabela 2.

| Naziv privrednog subjekta        | Vlasništvo | Vlasnički udio (%) <sup>1</sup> |
|----------------------------------|------------|---------------------------------|
| Energopetrol d.d. Sarajevo       | Direktno   | (..)**                          |
| TGA d.d.Stolac                   | Indirektno | (..)**                          |
| Krajina oromet d.o.o. Banja Luka | Direktno   | (..)**                          |

Izvor: Prijava namjere koncentracije

<sup>1</sup> (..)\*\* - Podaci predstavljaju poslovnu tajnu

### 1.3. Povezana društva privrednog subjekta INA i privrednog subjekta MOL u Bosni i Hercegovini

Privredni subjekt Energopetrol je evidentiran u Općinskom sudu Sarajevo, pod matičnim brojem 1-21070, rješenjem broj: UF/I-60/04 od dana 06.05.2004. godine.

INA/MOL konzorcij ima (..)\*\*%<sup>2</sup> udjela u privrednom subjektu Energopetrol od kojih privrednom subjektu MOL pripada (..)\*\*%, dok (..)\*\*% dionica je u vlasništvu Vlade Federacije BiH i manjinskih dioničara.

Osnovne registrovane djelatnosti privrednog subjekta Energopetrol su trgovine na malo i veliko motornim gorivima, mazivom i sličnim proizvodima.

## 2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvaren prodajom roba i/ili usluga na svjetskom tržištu, iznose preko 100.000.000,00 KM, po završnom računu u godini koja je prethodila predmetnoj koncentraciji, pri čemu je najmanje jedan privredni subjekt učesnik koncentracije registrovan na teritoriji Bosne i Hercegovine.

Ukupni prihodi učesnika koncentracije, na dan 31.12.2008. godine:

Tabela3.

| R.b. | Naziv privrednog subjekta | Na svjetskom nivou (KM) | U Bosni i Hercegovini (KM) |
|------|---------------------------|-------------------------|----------------------------|
| 1.   | MOL                       | (..)**                  | (..)**                     |
| 2.   | INA d.d. Zagreb           | (..)**                  | (..)**                     |

Izvor: Prijava namjere koncentracije

Ukupni prihod učesnika koncentracije ostvaren prodajom roba na svjetskom tržištu iznosi preko 100.000.000,00 KM po završnom računu u godini koja je prethodila koncentraciji, odnosno privredni subjekat MOL je ostvario prihod od (..)\*\* KM na dan 31.12.2008. godine, a privredni subjekt INA prihod od (..)\*\* KM, te obzirom da je jedan od učesnika koncentracije registrovan u Bosni i Hercegovini, Podnosilac prijave, na osnovu člana 14. stav (1) Zakona, je obavezan podnijeti Prijavu.

## 3. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), te Odluke o načinu podnošenja prijave i kriterijima za ocjenu koncentracija privrednih subjekata.

## 4. Pravni osnov i oblik koncentracije

Pravni osnov predmetne koncentracije, u smislu člana 30. stav (1) tačka a) Zakona definisan je članom 8. tačka f) alineja 3. Odluke o načinu podnošenja prijave i kriteriji za ocjenu koncentracija privrednih subjekata.

<sup>2</sup> (..)\*\* - Podaci predstavljaju poslovnu tajnu

Kao pravni osnov predmetne koncentracije Podnosilac prijave je dostavio Prvu izmjenu i dopunu Ugovora o međusobnim odnosima dioničara, zaključenu dana 30.01.2009. godine između Vlade Republike Hrvatske i Privrednog subjekta MOL.

Prvom izmjenom i dopunom Ugovora o međusobnim odnosima dioničara, prenosi se dio upravljačkih prava u privrednom subjektu INA, sa Vlade Republike Hrvatske na privredni subjekt MOL, čime privredni subjekt MOL stiče kontrolu ili preovladavajući uticaj nad društvom INA.

Naime, javnom ponudom za dobrovoljno preuzimanje dionica privrednog subjekta INA, objavljenom dana 05.09.2008. godine u Narodnim novinama Republike Hrvatske broj 101/08, privredni subjekt MOL, predvidio je sticanje većinskog udjela u istom, ali stiče svega (..)\*\*<sup>3</sup>% vlasništva.

Budući da privredni subjekt MOL nije dobrovoljnom ponudom preuzeo većinski vlasnički udio (Tabela 4) u privrednom subjektu INA (Rješenje Konkurencijskog vijeća broj:01-03-26-037-16-II/08, od 20.11.2008. godine o dopuštenosti koncentracije) isti je podnio novu Prijavu Konkurencijskom vijeću.

Vlasnička struktura privrednog subjekta MOL nakona zatvaranja dobrovoljne ponude za preuzimanje dionica privrednog subjekta INA na dan 17.10.2008. godine, je sljedeća:

Tabela 4.

| Naziv vlasnika dionica                 | Broj dionica      | Vlasnički udio % |
|--|-------------------|------------------|
| MOL                                    | 4.715.538         | 47,155           |
| Vlada Republike Hrvatske               | 4.483.552         | 44,836           |
| Privatni i institucionalni investitori | 800.910           | 8,009            |
| <b>Ukupno</b>                          | <b>10.000.000</b> | <b>100,00</b>    |

Izvor: web stranica privrednog subjekta INA d.d. Zagreb

Pravni oblik predmetne koncentracije je preuzimanje kontrole sticanjem većine prava glasa, u smislu člana 12. stav (1) tačka (b) pod 2) Zakona, privrednog subjekta MOL, nad privrednim subjektom INA.

## 5. Relevantno tržište

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta relevantno tržište proizvoda obuhvaća sve proizvode i/ili usluge za koje potrošači smatraju da su međusobno zamjenjivi s obzirom na njihove bitne karakteristike, kvalitet, namjenu, cijenu ili način upotrebe.

Nadalje, prema članu 5. Odluke o utvrđivanju relevantnog tržišta relevantno tržište u geografskom smislu obuhvaća cijelu ili dio teritorije Bosne i Hercegovine, na kojoj tržišni konkurenti djeluju u prodaji i/ili kupovini relevantnog proizvoda pod jednakim ili dovoljno ujednačenim uslovima koju to tržište bitno razlikuju od uslova tržišne konkurencije na susjednim geografskim tržištima.

<sup>3</sup> (..)\*\* - Podaci predstavljaju poslovnu tajnu

Prilikom analize relevantnog tržišta učesnika predmetne koncentracije Konkurencijsko vijeće je utvrdilo da je relevantno tržište predmetne koncentracije veleprodaje i maloprodaje nafte i naftnih derivata.

Relevantnim geografskim tržištem smatra se tržište Bosne i Hercegovine iz razloga što učesnik koncentracije privredni subjekt INA vrši prodaju i distribuciju nafte i naftnih derivata na čitavoj teritoriji Bosne i Hercegovine.

Slijedom navedenoga, relevantnim tržištem predmetne koncentracije smatra se tržište veleprodaje i maloprodaje nafte i naftnih derivata na cijeloj teritoriji Bosne i Hercegovine.

## 6. Analiza relevantnog tržišta

U analizi relevantnog tržišta učesnika predmetne koncentracije i procjenama tržišnih udjela, korišteni su podaci dostavljeni od Uprave za indirektno oporezivanje Bosne i Hercegovine, Agencije za statistiku Bosne i Hercegovine, Vanjskotrgovinske komore Bosne i Hercegovine kao i podaci dostavljeni u Prijavi.

### 6.1. Veleprodaja nafte i naftnih derivata u Bosni i Hercegovini

Tržišni udjeli glavnih učesnika i konkurenata na tržištu veleprodaje nafte i naftnih derivata u Bosni i Hercegovini:

Tabela 5.

| R.b. | Naziv privrednog subjekta                   | Tržišni udio (%) |
|------|---|------------------|
| 1.   | <b>INA BH (Holdina + Interina) Sarajevo</b> | <b>10-20</b>     |
| 2.   | Hifa Oil Sarajevo                           | 0-10             |
| 3.   | Petrol BiH Sarajevo                         | 0-10             |
| 4.   | Antunović Brčko                             | 0-10             |
| 5.   | Sibex                                       | 0-10             |
| 6.   | Higat                                       | 0-10             |
| 7.   | Superpetrol Banja Luka                      | 0-10             |
| 8.   | <b>Energopetrol Sarajevo</b>                | <b>0-10</b>      |
| 9.   | Ostali                                      | 20-40            |
|      | <b>Ukupno</b>                               | <b>100</b>       |
|      | <b>Ukupno (1+8)</b>                         | <b>10-20</b>     |

Izvor: Prijava namjere koncentracije

U segmentu veleprodaje nafte i naftnih derivata u Bosni i Hercegovini, konkurencija je izražena i jaka, što ukazuje i podatak da najveći pojedinačni tržišni udio od (..)\*\*<sup>4</sup>% ima privredni subjekt INA BH (Holdina /Interina) Sarajevo, dok prvi konkurent privredni subjekt Hifa Oil Sarajevo ima tržišni udio (..)\*\*%.

Povezana društva privrednog subjekta INA (Interina d.o.o., Holdina d.o.o. i Energopetrol d.d.) zajedno na tržištu Bosne i Hercegovine u segmentu veleprodaje ostvaruju tržišni udio od (..)\*\*% (Tabela 5.), dok privredni subjekat MOL nije registrovan u Bosni i Hercegovini, već distribuciju nafte i naftnih derivata vrši isključivo indirektno preko lokalnih distributera i trgovaca.

<sup>4</sup> (..)\*\* - Podaci predstavljaju poslovnu tajnu

Iz navedenih podataka može se zaključiti da se predmetnom koncentracijom ne stvara dominantan položaj za učesnike koncentracije na tržištu veleprodaje nafte i naftnih derivata u Bosnu i Hercegovinu, te da se isti neće moći ponašati neovisno u odnosu na konkurente.

## 6.2. Maloprodaja nafte i naftnih derivata u Bosni i Hercegovini

U Bosni i Hercegovini postoji preko 500 registriranih lokalnih distributera i trgovaca odnosno oko 1108 benzinskih pumpi, od čega je oko 65,0% u vlasništvu pravnih i fizičkih lica koji imaju manje od 5 benzinskih pumpi, dok je preostalih 35,0% benzinskih pumpi na relevantnom tržištu u vlasništvu sljedećih pravnih osoba:

Tabela 6.

| R.b. | Naziv privrednog subjekta                 | Broj benzinskih pumpi | Tržišni udio (%) |
|------|---|-----------------------|------------------|
| 1.   | NIRS Petrol Banja Luka                    | 80                    | 7,22             |
| 2.   | <b>Energopetrol Sarajevo</b>              | <b>65</b>             | <b>5,86</b>      |
| 3.   | <b>Holdina Sarajevo i Interina Mostar</b> | <b>44</b>             | <b>4,00</b>      |
| 4.   | Holdina Sarajevo(koriste drugi subjekti)  | 4                     | 0,36             |
| 5.   | Petrol BH Oil Sarajevo                    | 38                    | 3,42             |
| 6.   | Petrol Ljubuški                           | 22                    | 2,00             |
| 7.   | OMV Sarajevo                              | 21                    | 1,90             |
| 8.   | Zovko Oil Žepče                           | 16                    | 1,44             |
| 9.   | Krajina Petrol Banja Luka                 | 15                    | 1,35             |
| 10.  | HIFA Sarajevo                             | 8                     | 0,72             |
| 11.  | Čavkunović Bihać                          | 7                     | 0,63             |
| 12.  | Mandić Petrol Istočno Sarajevo            | 5                     | 0,45             |
| 13.  | Ostali                                    | 783                   | 70,65            |
|      | <b>Ukupno</b>                             | <b>1108</b>           | <b>100,00</b>    |
|      | <b>Ukupno 2+3</b>                         | <b>109</b>            | <b>9,84</b>      |

Izvor: Prijava namjere koncentracije

Supsidijarna društva privrednog subjekta INA (Interina d.o.o., Holdina d.o.o. i Energopetrol d.d.), zajedno na tržištu Bosne i Hercegovine (Tabela 6.) imaju ukupno 9,86% benzinskih pumpi (odnosno maloprodaje), dok privredni subjekat MOL na relevantnom tržištu nema benzinskih pumpi niti tržišnog udjela u maloprodaji.

Prema analizama podataka utvrđeno je postojanje jake konkurencije na tržištu maloprodaje jer su tržišni udjeli učesnika relativno niski, te da provođenjem predmetne koncentracija neće doći do promjene tržišnih udjela.

## 7. Ocjena predmetne koncentracije

Konkurencijsko vijeće je, nakon procjene i analize podataka i utvrđenih činjenica, u smislu člana 17. Zakona, ocijenilo da provođenje predmetne koncentracije neće narušiti postojeću tržišnu konkurenciju, s obzirom da privredni subjekat MOL indirektno, putem privrednog subjekta INA, djelomično vrši kontrolu nad privrednim subjektima registrovanim u Bosni i Hercegovini: (Interina d.o.o., Holdina d.o.o. i Energopetrol d.d.), te se provođenjem predmetne koncentracije ne povećava tržišni udio na tržištu veleprodaje i maloprodaje nafte i naftnih derivata u Bosni i Hercegovini.



Prilikom ocjene predmetne koncentracije, Konkurencijsko vijeće je imalo u vidu i činjenicu da se u konkretnom slučaju radi o eksteritorijalnoj koncentraciji, obzirom da učesnici koncentracije djeluju na svjetskom nivou, te da predmetna koncentracija ima uticaj na tržištu Bosne i Hercegovine putem djelovanja registrovanih supsidijarnih privrednih subjekata (Interina d.o.o., Holdina d.o.o. i Energopetrol d.d.), te indirektno prodajom/distribucijom nafte i naftnih derivata učesnika predmetne koncentracije.

Također, Konkurencijsko vijeće je utvrdilo da ne postoje zakonske niti administrativne barijere u segmentu uvoza/veleprodaje/maloprodaje nafte i naftnih derivata u Bosni i Hercegovini i veliki broj registriranih lokalnih distributera i trgovaca (preko 500) što osigurava slobodnu tržišnu konkurenciju.

U skladu s navedenim, Konkurencijsko vijeće je utvrdilo da se predmetnom koncentracijom privrednih subjekata ne stvara niti jača dominantan položaj na relevantnom tržištu veleprodaje i maloprodaje nafte i naftnih derivata u Bosni i Hercegovini, te je odlučilo kao u dispozitivu ovog Rješenja.

## **8. Administrativna taksa**

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

## **9. Uputstvo o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja odnosno od dana njegovog objavljivanja.

**Predsjednik  
dr. Stjepo Pranjić**